



UNIVERSITI
TEKNOLOGI
MARA

Institut
Kualiti dan
Pengembangan
Ilmu



INSTITUTE OF QUALITY
AND KNOWLEDGE
ADVANCEMENT

<http://inqka.uitm.edu.my>

LAPORAN TAHUNAN InQKA

2020



@inqkautm



LAPORAN TAHUNAN InQKA

2020

Penasihat

- YBhg. Profesor Dr. Hajah Roziah Mohd Janor
Penolong Naib Canselor, InQKA

Penulis

- Prof. Madya Ir. Ts. Dr. Nik Rosli Abdullah
Pengarah Sistem Kualiti dan Kecemerlangan Operasi
- Prof. Madya Dr. Azizah Abdullah
Pengarah Jaminan Kualiti Dalamam
- Ir. Dr. Amirul Abd Rashid
Ketua Pencapaian dan Penarafan
- Ts. Dr. Hayati Abd Rahman
Ketua Komunikasi dan Pengembangan Ilmu
- Pn. Siti Norul'ain Mohd Azizi
Ketua Pentadbiran
- Dr. Shatina Saad
Koordinator Inovasi dan Kreativiti

Suntingan/Pereka Grafik

- Pn. Noor Sazila Md Sarip
Penolong Pegawai Penerbitan
- En. Muhamad Zanjabil Mat Janum
Pembantu Penerbitan Kanan



ISSN 2600 - 9528



9 772600 952003

UNIT PENCAPAIAN DAN PENARAFAN

Unit Pencapaian dan Penarafan, InQKA merupakan bahagian yang diberi mandat untuk menguruskan perkara-perkara berkaitan penarafan universiti bermula dari proses pengumpulan, pemurnian data dan seterusnya memuat naik data ke badan-badan penarafan mengikut keperluan indikator yang telah ditetapkan oleh setiap badan penarafan. Badan-badan penarafan yang dimaksudkan adalah penarafan di peringkat antarabangsa seperti QS (*QS World University Ranking*, *QS Asian University Ranking*, *QS Graduate Employability Rankings*, *World University Ranking by Subject*) dan *Times Higher Education* (*THE World University Ranking*, *THE World University Ranking by Subject*). Manakala penarafan di peringkat nasional pula adalah Penarafan Bersepadu Institusi Pendidikan Tinggi Malaysia (SETARA).

Bermula pada tahun 2019, UiTM juga telah menyertai penarafan yang mengukur secara khusus perancangan dan komitmen universiti terhadap agenda kelestarian iaitu THE University Impact Ranking dan UI Green Metric. Dalam masa yang sama, pihak pengurusan Universiti telah meletakkan agenda penarafan sebagai antara Petunjuk Prestasi utama dalam Pelan Strategik UiTM2025 dengan mensasarkan 6 bintang penarafan SETARA, TOP 300 untuk QS WUR, 2 subjek Top 100 dan 20 subjek tersenarai dalam QS by Subject Rankings menjelang tahun 2025.

PENCAPAIAN PENARAFAN

Mengambil kira situasi pandemik COVID-19 yang melanda dunia ketika ini, secara keseluruhannya, pencapaian penarafan UiTM untuk tahun 2020 adalah pada tahap yang amat baik. Jadual 2 menunjukkan pencapaian penarafan UiTM untuk tahun 2016 sehingga tahun 2020. Pencapaian yang terserlah dapat dilihat pada subjek Hospitality & Leisure Management yang tersenarai di kedudukan ke-31 dunia dalam penarafan QS by Subject. Manakala bagi penarafan QS Asia University Rankings, UiTM menghampiri kedudukan 100 terbaik Asia dengan berada di kedudukan 108 pada tahun ini berbanding 119 pada tahun 2019.

Jadual 2: Pencapaian Penarafan UiTM tahun 2016-2020

Penarafan	2020	2019	2018	2017	2016
QS World	651-700	651-700	751-800	751+	701+
QS Asia	108	119	137	158	181
QS by Subject-Rank	11 Subjects	9 Subjects	12 Subjects	13 Subjects	5 Subjects
QS by Subject-Top 100	1	-	-	-	-

THE WUR	1001+	1001+	1001+	-	800+
THE by Subject	8 Subjects	8 Subjects	8 Subjects	-	-
THE Impact Ranking	401-600	-	-	-	-
UI GREEN METRIC	184	183	-	-	-
SETARA	5 STAR	-	-	5 STAR	-

UiTM juga yang pertama kalinya telah menghantar data untuk menyertai *THE University Impact Ranking* dan telah berjaya tersenarai pada kedudukan 401-600 dari keseluruhan 766 universiti dari 85 buah negara yang menyertai ranking ini. Pencapaian ini memberikan isyarat bahawa UiTM berpotensi untuk menyerlahkan lagi usaha berkaitan agenda *Sustainable Development Goal (SDG)* yang sememangnya sinonim dengan tanggungjawab sosial yang telah dimainkan oleh UiTM selama ini.


Walaupun beberapa penarafan lain seperti QS WUR, UI GREEN METRIC dan SETARA tidak menunjukkan peningkatan namun analisa lebih mendalam mendapati bahawa skor untuk penarafan tersebut sebenarnya meningkat berbanding dengan tahun sebelumnya. Namun ianya masih belum cukup tinggi untuk mengatasi skor universiti lain yang juga telah menunjukkan peningkatan. Oleh itu, usaha untuk mengenalpasti indikator yang berpotensi serta strategi penambakan akan terus dilaksanakan sebagai usaha menaikkan lagi skor bagi memastikan keputusan yang lebih baik di masa hadapan.

AKTIVITI-AKTIVITI SEPANJANG 2020

QS Publications Advertisement

Situasi pandemik semasa telah menyebabkan terdapatnya kekangan terhadap pelbagai penglibatan dan aktiviti fizikal. Namun, ini tidak menghalang Unit Pencapaian dan Penarafan untuk melaksanakan dan meneruskan aktiviti yang telah dirancang. Bagi memastikan ketampakan UiTM di persada antarabangsa, pihak Unit Pencapaian dan Penarafan telah memohon dan mendapatkan kebenaran dari pihak pengurusan untuk melanggan *QS Publication Advertisement* sebagai alternatif menggantikan penglibatan UiTM di persidangan-persidangan antarabangsa anjuran QS secara fizikal seperti yang dilakukan pada tahun-tahun sebelum ini.

Langganan ini meliputi penghasilan satu mukasurat iklan berkaitan UiTM di dalam mana-mana bahan penerbitan oleh pihak QS seperti QS GEN, QS WUR Report, QS Asia Report dan sebagainya. Iklan yang dihasilkan antara lainnya memaparkan sumbangan dan pencapaian UiTM serta fakulti-fakulti terutamanya fakulti yang disasarkan tersenarai di dalam *QS by Subject Rankings*. Contoh langganan adalah seperti di bawah.



Rajah 2: Contoh iklan langganan berkaitan UiTM



Institut Kualiti dan Pengembangan Ilmu (InQKA)
Aras 5, Kompleks Al-Farabi,
40450, Shah Alam, Selangor
Tel: +603 5543 5702 Fax: +603 5543 5721

    @inqkavitm